



籌海圖編卷之二

王官使倭事畧

魏 三條

宋 一條

隋 一條

唐 一條

元 一條

國朝 七條

使倭針經圖說

倭奴朝貢事畧

漢 三條

崑山鄭若魯輯男應龍校

魏三條

隋三條

晉七條

唐十六條

後梁一條

宋一條

元三條

國朝二十二條

倭國事畧

籌海圖編卷之二

崑山鄭若曾輯男應龍校

王官使倭事畧

魏正始元年遣使如倭

太守龔遵遣使建中校尉梯儁等奉詔印綬詣倭國拜假甲彌呼爵命并齎詔賜金帛錦罽刀鏡等物

六年賜倭臣綬

詔賜難升米黃幢付帶方郡假綬

八年遣使詔諭倭王

太守王傾到官甲彌呼與狗奴國王甲彌弓呼交兵遣其臣載斯烏越等詣郡說相攻擊狀郡遣塞曹掾史張政等因齎詔書黃幢拜假難升米為檄告諭之甲彌呼已死宗女臺與嗣政等以檄告諭之

隋煬帝大業三年遣使倭國

帝遣文林郎裴清渡百濟行至竹島南望耽羅國經都司麻國迥在大海中又東至一支國又至竹斯國

又東至秦王國其人同於華夏以為夷洲疑不能明也又經十餘國達于海岸自竹斯國以來皆附庸于倭倭王遣小德何輩蓋從數百人設儀仗鳴鼓角來迎後十日又遣大禮歌多毗從二百餘騎郊勞既至彼都其王與清相見大悅曰我聞海西有大隋禮義之國欲遣朝貢我僻在海隅不聞禮義是以稽留境內不即相見故清來道飾節以待天使與聞大國維新之化清答曰皇帝德並二儀澤流四海以王慕化故遣行人來此宣諭既而清就館其後清遣人謂王曰朝命既達清即戒塗於是厚設燕享以遣復令使者隨清來貢方物先時其王冠服仍其國俗至是如賜與衣冠乃以綵錦為冠飾裳皆施撰綴以金王云

唐太宗貞觀五年遣使持節撫倭

倭使入闕帝矜其遠詔有司無拘歲許貢遣斯州刺史高仁表持節撫之浮海數月方至仁表無綬撫之才與其王爭禮不宣朝命而還

元世祖至元三年遣使往諭日本不達而還

以高麗人趙葵等言日本國可通乃命兵部侍郎黑的給虎符充國信使禮部侍郎殷弘給金符充國信副使持國書使日本書曰大蒙古國皇帝奉書日本王朕惟自古小國之君境土相接尚務講信修睦况我祖宗受天明命奄有區夏遐方異域畏威懷德者不可悉數朕即位之初以高麗無辜之民久瘁鋒鏑即命罷兵還其疆域及其旄倪高麗君臣感戴來朝義雖君臣欲若父子計王之君臣亦已知之高麗朕之東藩也日本密邇高麗開國以來亦時通中國於朕躬而無一乘之使以通和好尚恐王國知之未審故特遣使持書布告朕志冀自今以往通問結好以相親睦且聖人以四海為家不相通好豈一家之理哉以至用兵夫孰所好王其圖之黑的等道由高麗高麗國王王植以帝命遣樞密院副使宋君裴偕禮部侍郎金贊等道詔使黑的的等往日本不至而還

至元四年遣使如日本

六月帝謂下植以辭為辭令去使徒還復遣黑的的等至高麗諭植委以日本事以必得其要領為期植以為海道險阻不可辱天使。九月遣起居舍人潘阜等持書往日本留六月亦不得其要領而歸

五年遣使日本

九月命黑的的復持書往至對馬島日本

至元六年遣使如日本

人拒而不納執其塔二郎稱二郎而還

六月命高麗金有成送還所執二人俾中書省牒其國亦不報有成留其太宰府守護所者久之。七月命秘書監趙良弼往使書曰蓋聞王者無外高麗與朕既為一家王國實為隣境故常馳信使脩好為疆場之吏抑而弗通所獲二人令有司慰撫俾齊以還遂復寂無所聞繼欲通問屬高麗權臣林衍構亂坐是弗果豈王亦因此輟不遣使或已遣而中路梗塞皆不可知不然日本素號知禮之國王之君臣寧肯漫為弗思之事乎近已賊林衍復舊王位安集其民特命少中大夫秘書監趙良弼充國信使持書以往如即發使與之偕來親仁善隣國之美事如或猶豫以至用兵夫誰所樂為也王其審圖之良弼將往乞定與其王相見之儀廷議與其國上下之分未定無禮數可言帝從之。十二月詔與高麗王植送良弼通日本期下必達仍以忽林失王國昌洪茶丘將兵送抵海上候國信使還姑令金州等處屯駐

至元十年遣使如日本

六月趙良弼復使日本至太宰府而還

至元十一年命將征日本

三月命經畧使忻都高麗軍民總管洪茶丘以千料舟板都魯輕疾舟汲水千舟各三百共九百艘載士卒

卒一萬五千期以七月征日本冬十月入其國敗之而官軍不整又矢盡惟擄掠四境而還

至元十二年遣使日本

二月遣禮部侍郎杜世忠兵部侍郎何文著計議官撒都魯丁往使亦不報

至元十七年日本殺使臣杜世忠

二月日本殺國使杜世忠等征東元帥忻都洪茶丘請自率兵往討廷議姑少緩之。五月召范文虎議征日本八月詔募征日本士卒

至元十八年再征日本

正月命日本行省右丞相阿剌罕右丞范文虎及忻都洪茶丘等率十萬人征日本二月諸將陛辭帝勅曰始因彼使來故朝廷亦遣使往彼遂留我使不還故使卿輩為此行朕聞漢人言取人國家欲得百姓土地若盡殺百姓徒得地何用又有一事朕實憂之恐卿輩不和耳假若彼國人至與卿等有所議當同心協謀如出一口答之五月日本行省參議裴國伊等言本省右丞相阿剌罕范右丞李左丞先與忻都洪茶丘入朝時同院官議定領舟師至高麗金州與忻都茶丘軍會然後征日本又為風水不便再議定

會於伊岐島令其水工畫地圖因見近太宰府西有平戶島者周圍皆水可屯軍船此島非其所防若徑往據此島使人乘船往伊岐呼忻都茶丘來會進討為利帝曰此間不悉彼中事宜阿刺罕輩必知令其自處之六月阿刺罕以病不能行命阿塔海代總軍事八月諸將未見敵喪全師以還乃言至日本欲攻太宰府暴風破舟猶欲議戰萬戶厲德彪招討王國佐水手總管陸文正等不聽節制輒逃去本省載余軍至合浦散遣還鄉里未幾敗卒于閩脫歸官軍六月入海七月至平戶島移五龍山八月一日風破舟五日文虎等諸將各自擇堅好船乘之棄士卒十餘萬於山下眾議推張百戶為主帥號之曰張總管聽其約東方伐木作舟欲還七日日本來戰盡死餘一二三萬為虜去九月至公角島盡殺蒙古高麗漢人謂新附軍為唐人不殺而奴之鬪輩是也蓋行省官議事不相下故皆棄軍歸久之莫青與吳萬五亦逃還十萬之眾得還者三二人耳

至元二十年遣使征日本不果

命阿塔海為日本省丞相與徹里帖木兒右丞劉二拔都兒左丞募兵造船欲復征日本淮西宣慰使昂吉兒上言民勞乞侵兵

大德三年遣僧往說日本

遣僧寧一山者加妙慈弘濟大師附商舶往使日本而日本人竟不至

國朝

太祖高皇帝洪武二年遣使招夷

遣使臣趙秩往日本招來倭夷泛海至析木崖入其境關者拒勿納秩以書達其王良懷乃延秩諭以中國威德而詔旨有責讓其不臣之語王曰吾國雖夷僻在扶桑未嘗不慕中國之化而通貢奉惟蒙古以戎狄蒞華而以小國視我使趙姓者誅我以好語初不知其覬國也既而發水犀數十艘一時雷霆風波漂覆幾無遺類自是不與通者數十年今新

天子帝華使亦趙姓得非蒙古使之雲仍乎亦將誅我好語而襲我也命左右將刃之秩不為動徐曰今

聖天子聖神文武明燭入表生華帝華非蒙古比我非蒙古使後爾若悖逆不我信即先

朝之兵天兵也無不一當百我朝戰艦雖蒙古戈船百不當一况天命所在人孰能違豈

朝之孔懷爾者與蒙古之襲爾國者比耶于是王氣沮下

延秩禮
遇有加

秋使行人楊載齋璽書諭日本國王

倭寇惠潮濱海

止命載往使齋書諭其國王書曰上帝好生惡不仁者向者我中國自趙宋失馭北夷入而據之播胡俗以腥膻中土華風不競凡百有心孰不興憤自辛卯以來中原擾擾被倭來寇山東不過乘胡元之衰耳朕本中國之舊家耻前王之辱與師震旅掃蕩胡番宵衣旰食垂一十年自去歲以來殄絕北夷以主中國惟四夷未報聞者山東來奏倭兵數寇海邊生離人妻子損傷物命故修書特報正統之事兼諭倭兵越海之由詔書到日如臣則奉表來廷不臣則修兵自固永安境上以應天休如必為寇朕當命舟師揚帆諸島捕絕其徒直抵其國縛其王豈不代天伐不仁者哉惟王圖之

洪武五年遣僧往諭日本

先是天寧寺僧祖闡以高行召至會朝廷將遣使詔與瓦罐寺僧無逸俱往祖闡毅然請行上壯之賜以緇器禪衣之屬令大官饌享于武樓下且諭其國敬浮屠喻以善道設化時天界寺僧宗渤嘗賦

詩餞之其詩上獻凡十八韻首言王化無遐邇一視同仁次言宣誘以善道庶契西來祖意次言經涉海

波雖甚艱險君臣大義勿忘次言平等法行之無有彼此之異末言使族方盡終始之義

太祖

俯賜和之常聞古帝王同仁無遐邇邇蠻貊盡來賓我今使臣委仲猷通洪玄倭夷嘗往至于善導凶人不負而來意爾爾遠方毋得多生事入為佛弟子出

為我朝使珎重浦泉經勿失君臣義此行非瀚海一去萬里地既辭釋迦門日日宿海浹臙掛飛飄天

風駕萬里里平心勿憂驚自然天之使休問海茫茫直是尋根際請彼佛放光倭民大欣喜行止必端方母

失經之理入國有齋時齋畢還施禮是法皆平等語言休彼此盡善化頑心了畢纒方已歸來為拂塵見

終必見始祖闡受命而行自翁州啓權五日其國境又踰月始入王都館于洛陽西山精舍一遵

聖教敷演正法無非約之以善聽者聳愕以為中華之禪伯亟白于王請主天龍寺乃夢窓國師道場寔名刹

也祖闡以無上命力辭之且申布威德罔間內外所以遣使者來之意王悅命僧奉方物稱臣來貢既歸

上喜怡愉賜白金一百兩文綺二練

成祖文皇帝永樂九年遣使日本

遣三寶太監王進奉使日本收買奇貨至寧波選壯軍顧通號大漢將軍同往彼夷初御以禮後起別議輒下濠江龍于港口得支港潛出彼夷婦密引而還

永樂十五年遣使如日本

倭寇沙園所邊將執其酋首送京師詔待以不死遣刑部員外郎李淵等使日本

書責以敬天事大之義次年淵還其國王亦遣刺史奉表稱謝

宣宗章皇帝宣德八年遣使吊喪

倭王源道義卒

上命太監雷春少鄉潘錫等出使垂吊以盡懷柔之意

今上皇帝嘉靖三十四年七月遣使移諭日本

先是海商王直挾倭以要互市不得遂糾島夷入寇而身為之調度浙直廣福沿海悉被殘破倭往倭來訖無寧歲御史胡宗憲按浙廉知其情與督察侍郎趙文華奏乞遣使宣諭日本國王令其禁戢島夷以弭邊患實欲行間諜以勾致王直而絕禍源也既入上命廷臣議之咸稱曰便乃令布政司為檄致之宣布朝廷德意募能使者寧波生員蔣洲陳可願請行於是假以市舶提舉服色克正副使以往檄曰王國自

太祖高皇帝御極以來世秉恭順貢獻

天朝侍王恩亦不薄上下安和恪承天道各保生民今爾

者必殺無赦豈有縱民侵劫之理必是欺蔽國王私出為非故特差正使蔣洲副使陳可願移檄報知王

若能守

聖朝之厚恩憤部民之橫行分投遣人嚴加約束不許私

天子必有大旌勞之典史冊書美光傳百世豈不快哉否

則奸商島民扇構不已黨類益繁盤據海島窺伺竊發恐非王國之利如昔年安南國王陳氏之禍可鑒矣今日移文報知亦非為中國也王其深體而速行之洲等捧檄以行十一月望日至其國五島地方偶遇直洲養子毛海峯在馬洲等以移諭事告之遂引見直洲等諭以

朝廷遣使之意及軍門招徠之心直為感德然不欲國王

朝廷有曠蕩之恩吾當為若等謀之然天文國君孱弱不

能號令於其國其能禁戢諸部耶須歷島諭之龍可弭也遣毛海峯輩送可願固而留洲在島者數月海峯以報効為名實伺內地虛實與當道待直之意何

如以為進止時宗憲已總督軍務洞燭其奸乃故示
 以寬厚之意准令立功報効而為之奏
 請賞賚優渥海峯還報直始挺身而來請市船可通而榮
 顯可致也然猶慮中變仍挾倭數千而來遷延海土
 者又兩閱月洲與可願反覆說之又携貳其黨與始
 入見軍門於寧波而生致之斬之市曹傳首
 京師自此海上少戢矣後御史趙孔昭以州專命往使不
 達其王謂為直黨惡奏繫詔獄論死巡視軍情即中
 唐順之謂不赦州將來者必以復奏釋之
 域為諱而阻宣力報効之心復奏釋之

太倉使往日本針路見渡海方經及

太倉港口開船用單乙針一更船平更者每一晝夜分為

十更以焚香枝數為度以木片投海中人從船
 面行驗風迅緩定更多寡可知船至某山洋界

吳淞江用單乙針及乙卯針一更平

寶山到南匯嘴用乙辰針出港口打水六七丈

沙泥地是正路三更見茶山茶山水深十八托云行一百六十



里正嶼此合



自此用坤申及丁未針行三更船直至大小七
 山灘山在東北邊



灘山下水深七八托用單丁針及丁午針三更
 船至霍山



霍山用單午針至西後門
 西後門用巽巳針三更船至茅山



茅山用辰巳針取廟州門船從門下行過取升
 羅嶼廟州門水深急流



升羅嶼用丁未針經崎頭山出雙嶼港升羅崎頭俱可



雙嶼港用丙午針三更船至孝順洋及亂礁洋
 雙嶼港口水流急孝順
 洋水深十三托泥地



亂礁洋水深八九托取九山以行九山西邊有礁打水行船



九山用單卯針二十七更過洋至日本港口打七八托泥地




若陳錢山至日本用艮針



福建使往日本針路
梅花東外山開船用單辰針乙辰針或用辰巽針十更船取小琉球



小琉球套北過船見鷄籠嶼及梅花瓶彭嘉山彭嘉山北邊過船遇正南風用乙卯針或用單卯針或用單乙針西南風用單卯針東南風用



乙卯針十更船取釣魚嶼
釣魚嶼北邊過十更船南風用單卯針東南風用單卯針或用乙卯針四更船至黃麻嶼



黃麻嶼北邊過船便是赤嶼五更船南風用甲卯針東南風用單卯針西南風用單甲針或用單乙針十更船至赤坎嶼



赤坎嶼北邊過船南風用單卯及甲寅針西南風用艮寅針東南風用甲卯針十五更船至古米山



古米山北邊過船有礁宜知畏避南風用單卯針及甲寅針五更船至馬岳山



馬岳山南風用甲卯或甲寅針五更船至大琉

球



大琉球那霸港泊船土官把守港口船至此用那霸內港以入琉球國中



那霸港外開船用單子針四更船取離倚嶼外過船南風用單癸針三更船取熱壁山以行



熱壁山南風用單癸針四更船取硫黃山



硫黃山南風用丑癸針五更船取田嘉山又南風用丑癸三更半船取麥加刺山南風用單癸針及丑癸針三更船取大羅山



大羅山用單癸針二更半船取萬者通七島山西邊過船



萬者通七島山用單寅針五更船取野顧七山島內各叫兵之妙是麻山嶼野顧山用巽寅針



二更半船但尔山用艮寅針四更船取亞甫山一云野顧山對面行六十里有小礁四五箇最宜畏避在北邊過船用艮寅方行一百五十里至旦午山用艮寅方行二百四十里至亞甫山



亞甫山平港口其水望東流甚急離此山用艮寅針十更船取亞慈美理若不見此山用單



艮針二更船又艮寅針五更船取沿灣奴一云沿渡



奴烏佳眉山沿渡奴烏佳眉山用單癸針三更船若船開時用單子針一更船至而是麻山



而是麻山南邊有沉礁名套礁一云名佐沉長礁東北邊過船用單丑針一更船是正路却用單子針

四更船取大門山中

大門山傍西邊門過船用單丑針三更船取兵
禪山港

兵禪港循本港直入日本國都

倭奴朝貢事畧

漢武帝建武中入貢

帝滅朝鮮使驛始通使者自稱大夫

光武中光六年入貢

奉珍朝賀賜以印綬

安帝永初元年入貢

來獻生口百六十人願相見

魏景初二年朝獻

公孫淵誅後卑彌呼遣其大夫難升木牛利等帶方郡求詣天子朝獻太守劉夏遣使持節送詣京師明帝詔賜卑彌呼為親魏王假金印紫綬以難升木為率善中郎將牛利為率善校尉假銀印青綬

正始四年入貢

卑彌呼遣大夫伊耆掖邪狗等入人獻方物詔拜掖邪狗等率善中郎將各假印綬

八年入貢

卑彌呼死宗女臺與立率善中郎將掖邪徇來獻生口白珠雜錦物

晉泰始初年入貢

臺與遣使朝獻臺與死其國復立男王

安帝時通表

倭王讚通表江左

文帝元嘉二年入貢

讚遣司馬曹達奉表獻方物讚死子珍立遣使入貢自稱使持節都督倭百濟斯羅任那秦韓慕韓六國諸軍事安東大將軍倭國王表求除正詔除安東將軍倭國王珍又求除正倭洧等十三人平西征虜冠軍輔國將軍等號詔並聽之

二十年入貢

倭王濟遣使奉獻復以爲安東將軍倭國王

二十八年加封王復入貢

加使持節都督倭斯羅任那加羅秦韓慕韓六國諸軍事安東將軍如故并除所上二十三人職濟死子興遣使貢

順帝昇明二年入貢

倭國王武遣使上表言自昔祖彌躬擐甲胄跋涉山川不遑寧處東征毛人五十五國西服象表六十六國陵平海北九十五國王道融泰廓土遐畿累葉朝宗不愆于歲道經百濟裝飾舳舻而句麗無道圖欲見吞臣亡考濟亡兄興並欲大舉問罪不幸奄喪父兄使垂成之功不獲一簣今欲練兵申父兄之志竊自假開府儀同三司其餘咸各假綬以勸忠節詔除武使持節都督倭斯羅任那加羅秦韓慕韓六國諸軍事安東大將軍倭王

文帝開皇二年入貢

倭王多利思比孤遣使詣闕上令所使訪其風俗使者言倭王以天爲兄以日爲弟天明時出聽政踞跌坐日出使停理務去委我弟文帝曰此大無義理訓令改之

煬帝大業二年遣使入貢

多利思比孤復遣使朝貢使者云聞海西菩薩天子重興佛法故遣朝拜兼有沙門數十人來學乾道國書曰日出處天子致書日沒處天子無恙云云煬帝覽之不悅謂鴻臚卿曰蠻夷書有無禮者勿復以聞

大業三年入貢

報使也

唐太祖貞觀五年入貢

倭使入闕帝矜其遠詔有司無拘歲許貢仍遣高文表性撫之使者不宣朝命而回○詳見出使事畧

永徽初年貢寶物

遣使獻琥珀大如斗瑪瑙若五升器時斯羅為高麗百濟所暴高宗賜璽書令出兵接斯羅

永徽二年夷使借蝦蟇入貢

倭使借蝦蟇入貢借朝蝦蟇亦居海島中其鬚長四尺許珥箭于首令人載鞆立數十步射無不中

咸亨元年入貢

遣使賀平高麗後稍習夏音惡倭名更號日本使者自言國近日所出以為名○或云日本乃小國為倭所併故冒其號使者不以情故疑焉又妄誇其國都方數千里南西盡海東北限大山其外即毛人云

長安元年入貢

時遣真人粟田貢方物○彼國真人猶唐尚書冠進德冠頂有華蕊四披紫袍帛帶粟田好學屬文進止有方且求書籍武后宴之麟德殿授同膳卿

開元初年入貢

仍遣粟田復朝請從諸儒授經詔四門助教趙玄默即鴻臚寺為師獻大幅布為贄悉賞物貨書以歸其副朝臣仲滿慕華不肯去易姓名曰朝衡歷佐補闕儀友文多所該載久乃還

開元四年入貢

彼國寶龜二年遣僧正玄昉入朝貢物

開元二十四年入貢

遣二僧靈仙行賀入唐禮五臺山學佛法

元和元年入貢

夷遣騰元葛野與空海大師及延歷寺僧澄入唐詣天台山傳教

會昌元年入貢

遣僧貢物入唐禮五臺佛法

光啓元年入貢

遣僧宗睿貢物入唐傳教

大曆十二年入貢

遣使表貢方物

天寶十二年朝貢

時朝衡復入朝貢物上元中擢左散騎常侍安南都護求內外經教及傳戒新羅梗海道更由明越州朝貢

建中元年入貢

夷遣使真人興能獻方物真人蓋因官而氏者興能善書其紙似蠶而澤之莫曉何物所造

貞元末年遣使入朝

其王栢武遣使入朝其學子橘免勢屠空海願留肄業歷二十年使者高階真人來請免勢等俱還詔可

貞元四年入貢

遣文明使貢物

後梁龍德中入貢

遣僧寬建入貢方物

宋雍熙元年入貢

夷遣僧使大周然與其徒五六人浮海而至獻銅器十餘事并本國職員及年代紀各一卷大周然衣綠自云姓藤源父為真連。真連官名其國五品職也。大周然善隸書不通華言問其風俗但書以對云。國中有五經書及佛法白居易集十七卷並得自中國交易用銅錢文曰乾文大寶銀以貢賦國王自古傳襲王今六十四世文武僚吏皆世官其皇系詳見年代紀上聞之嘆息謂宰相曰此島夷耳乃祚遐久

其臣亦繼襲不絕此蓋古道也中國自唐季之亂郡縣分裂梁周五代享歷尤促大臣世胄鮮能嗣續朕雖得繼往聖嘗夙夜寅畏講求治本不敢暇逸建無窮之業垂可久之範亦以為子孫之計使大臣之後世襲祿位此朕之心焉又云其國多中國典籍大周然來復得孝經一卷即鄭氏註越王孝經新義第十五一卷即唐太宗子越王真新義者記室參軍任希古等撰也皆金縷紅羅標水晶為軸復求詣五臺許之令所過給食又求印本大藏經詔亦許之

端拱元年夷僧奉表來謝并貢方物

大周然遣弟子喜奉表來謝曰日本國東大寺大朝法濟大師賜紫沙門大周然啓傷麟入夢不忘漢主之恩枯骨令歡猶亢魏氏之敵雖云羊僧之拙寧忘鴻濡之恩周然誠惶誠恐頓首頓首死罪大周然附商舡之離岸期魏闕于生涯望落日而西行十萬里之波濤難盡願信風而東別數千里之山岳易過妄以下根之卑適詣中華之盛於是宣旨頓降恣許荒外之踐跡宿心克協歷觀宇內之環竒况乎金闕曉後聖堯雲于九禁之中巖局晴前拜聖登于五臺之上就三燕而稟學巡數寺而優游遂使蓮華迴文神筆出于北闕之北具葉印字佛認傳于東海之東重蒙宣恩忽越來跡季夏解台州之纜孟秋達本國之

郊爰待明春初到舊邑緇素忻待侯伯慕迎伏惟陛下惠溢四溟恩高五嶽世超黃軒之古人直金輪之新大周然空辭鳳凰之窟更還螻蟻之封在彼在斯只想皇德之盛越山越海敢忘帝念之深縱分百年之身何報一日之會染筆拭淚仰紙搖魂不勝慕恩之至謹差上足弟子傳燈大法師位嘉因併大朝剃頭受戒僧祚乾等拜表以聞稱其本國永延二年歲次戊子二月八日又別啓供佛經納青木函琥珀青紅白水晶紅黑木穗子念珠各一連並納螺鈿花形平函毛籠一納螺杯二口葛籠一納法螺二口染皮二十枚金銀蒔繪苜一合納髮鬘二頭又一合納三議正四位上藤佐理手書二卷及進奉物數一卷表狀一卷又金銀蒔繪硯一苜一合納金硯一鹿毛筆松煙墨金瓶水瓶鐵刀又金銀蒔繪扇苜一合納檜扇二十枚蝙蝠扇二枚螺鈿梳函一對其一一納赤木梳二百七十具一一納龍骨一撇螺鈿書案一螺鈿書几一金銀蒔繪平苜一納白細布五疋鹿皮籠一納貂裘一領螺鈿鞍轡一副銅鐵鏡紅泥璋倭畫屏風一雙石硫黃七百觔

咸平五年來貢

建州海商周世昌遭風飄至日本凡七年得還與其國人滕木吉至上皆召見之世昌以其國人唱和詩

來上詞甚難刻膚淺無所取詢其風俗云婦人皆被髮一衣用二三練又陳所記州各年號上合勝木吉以所持木弓矢挽射矢不能遠詰其故國人不習戰鬪賜木吉時裝錢遣還

景德元年入貢

遣僧寂照等八人來朝寂照不曉華言而識文字繕寫甚妙凡問答並以筆札詔號員通大師賜紫方袍

天聖四年入貢却之

十二月明州言日本國太宰遣人貢方物而不持本國表詔却之其後亦未通朝貢南賈時有傳其物貨至中國者

熙寧五年夷僧獻方物

僧誠壽至台州止天台國清寺願留州以聞詔使赴闕誠壽獻銀香爐木鑿子白琉璃五香水晶紫檀琥珀所飾念珠及青色織物綾神宗以其遠人而有戒業處之開寶寺盡賜同來僧紫方袍是後連貢方物而來者皆僧也

元豐元年入貢

使通事僧仲回來賜號慕化懷德大師明州又言得其國太宰府牒因使人孫忠還遣仲回等貢絹二百疋水銀五千兩以孫忠及海商而貢禮與諸國異請自移牒報而答其物直付仲回東歸從之

乾道九年入貢

始附明州綱首以方物入貢倭舡火兒滕太明歐鄭作死詔械太明付其綱首歸治以其國之法

淳熙二年入貢

元至元八年遣使入朝

九月高麗王植遣其通事別將徐稱導送趙良弼使日本日本始遣彌四郎入朝帝宴勞遣之

至元九年遣使來朝却之

二月樞密院臣言奉使日本趙良弼遣書狀官張鐸來言去歲九月與日本國彌四郎等至太宰府西守護所守者云曩為高麗所詒屢言上國來伐豈期皇帝好生惡殺先遣行人下示璽書然王京去此尚遠願先遣人從使回報良弼遣鐸回其使二十六人至京師求見帝疑其國主使之來云守護所者詐也詔翰林承旨和禮霍孫以問姚樞許衡等皆對曰誠如聖筭彼恐我加兵故發此輩伺吾強弱耳宜示之寬

仁且不宜聽其入見從之是月高麗王植致書日本五月又以書往令必通好大朝皆不報

至元十四年遣使易錢

日本遣商人持方物來易錢許之

大明洪武二年入貢

太祖高皇帝混一寰宇薄海之外莫不臣僕惟日本未至乃遣使臣趙秩往諭之。詳見使倭事畧。其王良懷乃遣僧祖來進表箋貢馬及方物并僧九人來朝詔賜祖來等文綺及僧衣比辭遣僧祖闡克勤等八人護送還國仍賜良懷大統曆及文綺紗羅

洪武十二年入貢

夷船一隻稱貢緣無表文却之來人分發雲南川陝三邊安插

洪武十三年入貢

遣僧貢馬及茶布刀扇之類亦無表文以其私貢不納來人仍發三邊安插

洪武十四年入貢

七月國王良懷遣僧如瑤貢馬十四匹及方物通有前來人船花名乃命行取赴京宴賞歸國。會典記十二年貢者作七年十四年貢者作發三邊安插與南京禮部案不同必記者之誤耳。通志作却其貢

洪武十五年入貢

使歸廷用入貢方物厚賞回還明州備倭指揮林賢在京隨駕時交通樞密使胡惟庸潛遣宣使陳得中密與設計令將歸廷用誣為倭寇分用賞賜中書省舉奏其罪流賢日本

洪武十六年詔絕日本之貢

賢流三年逆臣胡惟庸暗遣人充宣使私往日本取回執借精練兵四百與僧如瑤來獻巨燭中藏火藥兵具意在圖亂上大怒磔賢于市乃降詔責其君臣絕其貢祖訓云以日本隔海僻在一隅得其地不足以供給得其民不足以使令故不與兵致伐著為訓章絕其往來

永樂二年入貢

上命太監鄭和統督樓船水軍十萬招諭海外諸番日本首先納款擒獻犯邊倭賊二十餘人即命治以彼國之法盡蒸殺之今銅甌猶存爐竈遺趾在蘆頭堰降勅褒獎給勘合百道定以十年一貢船止二隻人止

二百違例則以寇論制限進貢方物
黃貼金扇 牛皮 鎗盔 蘇木 塗金裝綵屏
風劍 灑金厨子 灑金手箱 灑金木銚角盃
刀 灑金文臺 描金粉匣 描金筆匣 水晶數
珠 抹金提 銅銚 瑪瑙

宣德元年入貢

入貢人舡踰數刀劍過多特諭來使今後貢舡不
過三隻使人毋過三百刀劍毋過三千不許違禁

宣德七年入貢

來使不知禮法
甚擾于民禁之

宣德十年入貢

并奉表謝恩以八
年遣使吊喪也

正統七年入貢

時貢舡九隻使人千餘分發境清天寧各寺安歇
雖責其越例以遠人慕化亦寬容之八年六月使回
迷失使頭普福二人在樂清沙嵩勝嶺坊長孔希名
獲解把總遣回普福在途悲感有詩云來遊上國看

中原細愛青松翠峯冷泉慈母在堂年八十孤兒為客
路三千心懷北闕浮雲外身在西山返照邊處處朱
明花柳巷不知何日是歸年

天順二年入貢

京師燕賞豐渥捆載而歸

成化二年偽貢

時都指揮張翥洞燭
其偽貢之奸而去

成化十一年入貢

諸使詣京沿途騷擾
朝廷為禁約之

成化二十年入貢

六月使臣周璋入貢
勅諭彼王知會自後宜恪遵宣德中事例也

弘治八年入貢

五月差使壽瑛入貢方物赴京沿途生事至濟寧強
買貨物彼此殺傷罪及解官府照磨童劍指揮魏政

提舉王昭但降調通事林春克軍次年使歸
司府失於檢點致鄞人朱縉填欠貨物而去

正德四年入貢

五月正使宋素卿副使源永春貢方物請祀孔子儀
註朝議孔子中國聖人不當為夷狄褻瀆不許素卿
者即鄞人朱縉其家鬻于夷商湯四五郎越境亡去
至是克使入貢重賂逆瑾蔽覆其事蓋縉在倭國偽
稱宗室苗裔傾險取寵輔庶奪嫡
爭功要利而夷夏之釁遂釀于茲

正德八年入貢

五月夷船三隻使僧桂
梧貢方物越歲而去

嘉靖二年入貢

四月夷船三隻譯傳西海道大內誼興國遣使宗設
謙道入貢越數日夷船一隻使人百餘復稱南海道
細川高國遣使瑞佐宋素卿入貢導至寧波江下時
市舶大監賴恩私素卿重賄坐之宗設之上且貢船
後至先與盤發遂致兩夷讐殺毒流壘市宗設之黨
追逐素卿直抵紹興城下不及而還至寧波齊寧波
衛指揮素進奪舟越關而遁時備倭都指揮劉錦追
賊戰沒于海定海衛掌印指揮李震與知縣鄭餘慶

同心濟變一日數警言而城以無患賊有漂入朝鮮者
國王李暉擒獲中林望古多羅械羅京發浙江按察

司與素卿監禁候
旨法司勘處者凡數十次而夷囚竟死于獄倭奴自此懼

罪通誅不敢款
關者十餘歲

嘉靖十七年入貢

五月夷船三隻使僧古鼎副使僧周良持方物表貢
且求還前遺物法司以事已經亂貨應入官且無從
索之良等乃不敢言

朝廷復申十年一貢之例責令送還正德以前勘合更給
新者遵
照入貢

嘉靖二十三年入貢

是年六月夷船一隻使僧什壽光等一百
五十八人稱貢驗無表箋且以非期却之

嘉靖二十六年入貢

四月使臣周良入船踰例且非貢期
朝議欲却之以其遠來効順且貢期止隔一年乃發外海
舉山停泊至明年而後納之

倭國事畧

日本即古倭奴國也去中土甚遠隔大海依山島為國邑隋書記在百濟新羅東南其地形類琵琶地勢東高

西下東西數千里南北數百里九州居西為首肥前肥

豐後筑前筑後日向大隅薩摩陸魯居東為尾至山城早程七十五日

者非山城居中乃彼國之都也其國君以王為姓以

尊為號後改稱皇初居日向筑紫宮後徙山城國文武

僚吏皆世其官有德仁義禮智信大小十二等及軍尼

伊尼翼諸名山城以東地方廣邈雖倭奴遠服賈者不

能閱歷而知况華人乎故其島之數可考按舊圖山城

江伊賀尾張三河美濃飛彈信濃上野陸奧北邊海為

但馬丹後若佐加賀越前越中越後出羽甲斐常陸南

邊海為攝摩攝津太和河內遠江駿河伊豆相摩武藏

倭國事畧 八 等海圖編卷之二 十九 布政司吏施孝寫

總下總 而其間廣狹至到有不能考者今姑據魯之所

安房 聞者而述之山城之南為和泉 其南海界泊舟者為阿

為于撒儿為天 又其南為沙界 其地方甚小 沙界之東南為

王者為沙界衣 紀伊 東為三河出海之口為濱大海 紀伊之西為伊勢

北為三河其界為 山城之西為丹渡左為攝津 其界為

腰大為阿乃奴子 左之西為攝摩 其界為那

為阿家世奴乎辣為素埋為 安防州 左之西為攝摩 其界為那

男女懷東南懸海為安防州 右為但馬右之西為因幡丹渡西為美

世為抗茄為我 右為但馬右之西為因幡丹渡西為美

這古為磨羅 作左為備前 其界為兀什麼舵為 左之西為備中 出鐵

摩其南為連島懸海三十里 右為因幡右之西為伯

者 子介為他奴賀知其北為竹島懸海三十里 美作

之西為備後之北境 其界為一子該一知為于奴鼻 出

雲之南境 其界為番你為山子介為欽子溪為戶流為

非賴喇為失喇哈打為也生息為密和奴失

記其北為隱岐懸 備後之西為安藝 其界為翁家搭日

海三百五十里 山口之西為長門 橫直皆二日程界為花

委北至三島懸 關渡在焉 其西早關為阿介馬 渡此而

西為豐前 橫五百里直四百里其界為可苦喇馬喇介

為一 其南為豐後 橫直皆六百六十里 豐前之西

烏四基為 又其南為日向 橫直皆三百六十里

北為筑前 橫六百五十里直四百里其界為右勢為加

打為世加為經字里為多罷為密那多為法哈噠 西南

為筑後橫直皆二百五十里筑後之南為大隅其南濱海之畧為

人訛傳為懸海懸海乃大漁州也大隅之西為薩摩

隅與日向薩摩等連壤名為九州大隅之西為薩摩

橫直皆三百六十里其畧為暗字喇為起麻子記為羊

理南為康國什麼為罷里為拖馬里為強頭馬里為鸚

哥里為年市米為豐後東南懸海為土佐為伊豫為阿

仙臺為審字署

波阿波相近懸海為炎路土佐豐後之間為佐加關土

至佐加關海面一百八十里薩摩之北為肥後橫直皆

其畧為牙子世六為阿麻國撒為昏為一國又其北

撒介烏喇為開懷世利為達加什為什達加

為肥前橫直皆五百里其畧為鐵來為言奴氣子為法

倭磨喇為知十歪為法一溪為夜間迷為坐迷子為迷

坐骨知為一掃拂為愛奴乎喇為世子為迷古里為失

撒為喃哥呀為雄婆哥為松肥前西懸海為平戶東西

本一名馬子喇為法麻撒几

十里西北至博多平戶之西為五島五山相錯懸海而

海自四百五十里乃日本西境之盡處也過此西行越五六日四望無山

直抵陳錢壁下此島與薩摩相去一千五百里與肥前

相去四百二十里與平戶相去一千五百里五島至山

口必由平戶經過其畧為乃路為倭齊家為衣屋奴密

為通記為達奴烏喇北為多藝為伊岐橫直皆七十里

為烏苦為話哈達至對馬島海面

五百為對馬島橫三百里其南畧為哥為廿大哈東南

撒思乃為知六磨為

你打北為倭奴鳥喇

洋各島之人俱至堆沙几撒思乃山谷三畧開

洋至高麗之則失多順風一日約五百里

南至琉

球也必由薩摩州開洋順風七日其貢使之來必由博

多開洋歷五島而入中國因造舟水手俱在博多故也

貢船回則徑收長門因抽分司官在焉故也若其入寇

則隨風所之東北風猛則由薩摩或由五島至大小琉

球而視風之變遷北多則犯廣東東多則犯福建

彭胡

鯨或之泉州等處或之

梅花所長樂縣等處

若正東風猛則必由五島歷天

堂官渡水而視風之變遷東北多則至鳥沙門分鯨或

過韭山海關門而犯溫州或由舟山之南而犯定海

經大 捕洋入金 犯象山奉化 由東西厨入湖頭渡 犯昌國 入石浦關 犯台州

塘蛟門 入挑渚海門 松門諸港 正東風多則至李西舉壁下陳錢分鯨或

由洋山之南而犯臨觀 過漁山兩頭洞三姑山入壘浦

則犯紹興之臨山三山過霍山 洋五嶼烈表平石則 犯錢塘 過大小衢徐公入壘 或由

犯寧波之龍山觀海 子門楮山則薄省城 洋山之北而犯青南 過馬蹟潭 犯太倉 而西北 或過南

沙而入大江 過茶山入瞭角嘴涉谷積 若在大洋而風

欽東南也則犯淮楊犯登萊 過步州洋亂沙入鹽城 口

揚州再越而 若在五島開洋而南風方猛則趨遼陽趨

北則犯登萊 天津大抵倭船之來恒在清明之後前乎此風候不常

屆期方有東北風多日而不變也過五月風自南來倭

不利於行矣重陽後風亦有東北者過十月風自西北

來亦非倭所利矣故防春者以三四五月為大汛九十

月為小汛其停撓之處焚劫之權若倭得而主之而其

帆檣所向一視乎風實有天意存乎其間倭不得而主

之也向之入寇者薩摩肥後長門三州之人居多其次

則大隅筑前筑後博多日向攝摩津州紀伊種島而豐

前豐後和泉之人亦間有之乃因商于薩摩而附行者

也日本之民有貧有富 如攝摩伊勢若佐博多其人以

中華富者各數千家有積貲至百萬者又 有淑有慝 如

如和泉一州富者八萬戶皆居積貨殖 摩之鸚哥里方數千里其邑長安慶能納民于執物無

一人為盜又如宮島人不嗜殺人有不平事但請神廟

罰錢又如紀伊之頭陀僧三千八百房專習武藝殺人而不犯中國 富而淑者或登貢船

而來或登商船而來凡在寇船皆貧與為惡者也山城 君號令不行徒寄空名於上非若我中國禮樂征伐自

天子出大一統之治也山口豐後出雲開三軍門如中國總督府

義各以大權相吞噬今惟豐後尚存亦不過兼并肥前

等六島而已肥前肥後筑前筑後豐前豐後山口出雲以貪滅亡山口原并

國十二日石見長門安藝備前備後備中出雲伯岐丹

後因幡但馬後出雲奪歸其地山口長子死焉其君亦

為陶殿所殺豐後君以其弟攝山口事吞安藝安藝殺

之嘉靖三十八年山口無君豐後獨稱雄焉山城君金

印勘合久為山口所有向來入貢俱山口自主山城惟

出名而已陶殿之亂宮殿勘合俱焚金印亦損一角不

知所歸貢自此絕矣欲望彼國之約束諸夷斷斷乎不能也

畿內部

州五

山城

太河

河內

和泉

攝津

右共統五十三郡

畿外郡

道七

東海道

十四州 伊賀 伊勢 志摩 尾張
三河 遠江 駿河 伊豆
甲斐 相摩 武藏 安房
上總 常陸

右共統一百一十六郡

西海道

九州 竺前 竺後 豐前 豐後
肥前 肥後 日向 大隅
薩摩

右共統九十三郡

南海道

六州 紀伊 炎路 阿波
伊豫 土佐

右共統四十八郡

北陸道

七州

若佐加賀

越前能登

越中佐渡

越後

右共統三十郡

東山道

八州

近江上野

美濃下野

飛彈陸壘

信濃出羽

右共統一百一十二郡

山陽道

八州

攝摩備後

美作安藝

備前周防

備中長門

右共統六十九郡

山陰道

八州

丹波伯耆

丹後出雲

但馬石見

因幡隱岐

右共統五十二郡

海曲部

島三

伊岐

對馬

多藝

右各統二郡

驛

凡四百一十四

戶

可七萬餘

課

約八十八萬三千三百二十九

寄語島名

山城

羊馬失羅

筑前

職骨前

太和

野馬多

筑後

職骨前

河內

茄懷知

豐前

字前

和泉 因字米

豐後 蓬哥

攝津 子弩因你

肥前 非前

伊賀 衣加

肥後 非谷

伊勢 衣舍

日向 兄加

志摩

大隅 阿思米

尾張 倭阿里

薩摩 撒子馬

三河 迷茄懷

遠江

紀伊 乞奴苦藝

炎路 山奴計

駿河

阿波 挨懷齊

伊豆 因慈

讚耆

甲斐 慨怡苦藝

伊豫 伊右

相摩

土佐 拖撒

武藏 木撒暑

山口 即周防羊馬窟諸

安房 阿宅

美作 迷馬撒家

備前 避然

上總 茄迷倭撒

下總 什麼倭撒

備中 避晝

常陸

備後 避卧

若佐 壞加柵

安藝 阿計

越前 日智前

攝摩 法里馬

越中 日晝

長門 奴茄多

越後 日清谷

丹波 丹白

加賀 坑茄

丹後 丹哥

能登 奴朶

但馬 噠什麼

佐渡 沙渡

因幡 奚奴白

近江 多島米

伯耆 花計

美濃 米奴

出雲 因字木

飛彈 非大智

石見

信濃 申阿農

隱岐 和計

上野 康子計

伊岐 尤計

女島

下野 什麼子計

陸奥 話收

多藝

出羽 迷外

宮島 迷挨什麼

五島 我島

男島 賀什麼

小島 科什麼

對馬島 則什麼

連島 卒賴甚麼

種島 他尼什麼

博多 花哈咯

竹島 他計什麼

平戶

佐加關

三島密什麼

寄語雜類

天文類

天天帝

日虛露

月禿計

星付泥

風有朱加前

雲

雨挨迷

霧吉利

雪計伏六攸計

霜名末碎滿

落雨挨迷付魯

時令類

早來運梭梭發耀

夜搖落

午非路

晚搖撒田午

明挨介水

暗骨辣水

冷三亭水

煖挨撥水

今日詐以呼鷄聲

明日挨迷亞失日

後日亞撒里

昨日傑奴

前日阿多堆

日暮非故路路 今日來个阿耶俚

明日來挨戊打俚 後日來挨殺核阿耶俚

地理類

地大樣禿智

山羊賣耶賣

水明東

海烏彌

沙何吉大水

石依水在木古

火非

鄉羊埋俚

江打各計

方向類

東熏加

南迷南來

西義西

北尤兀俚

前日皆門利婆 後吾失利

珍寶類

金空措泥

銀失禱措泥

珠他賣

錢前移

黃銅巾若佐

紅銅鶯更措尼

水銀 明東措尼
好銅錢 姚禮善泥

人物類

皇帝 大利天王家官 大米烏野雞 百姓 別姑常

公翁知 大官 大大烏野婆 猶蒲翁妃

父 阿爺 母 發發 兄 挨尼

嫂 阿尼尤尼 弟 阿多多 妹 亞尼多一淡多

姊 亞尼 嬖 完多 子 莫宿哥

姪 何義 女 莫宿眼 孫 阿奚胡來

丈人 子多 丈母 子多謬 叔 何治王官老前

丈夫 壽山 婦人 倭家倒 老 禿古要个

男子 何柰公姑 後生 倭家達 孩 歪鼻

親眷 新雷 姐夫 不可迷 朋友 道門大聖蒲

女婿 米哥 僕 三三三郎 小厮 歪皆水

和尚 才老烏索 老實人 埋骨多 艱難人 胡柰故人

強盜 六宿鼻隨 瞎子 眉骨賴 獨眼人 密皎關鴻

你 撫哥了梭里 誰人 搭梭 我 何埋俚阿奴利

徒弟 加食難 財主妻 斗烏賣 生得好 眉眉月失

外甥 萌哥 長子 難無水 媳婦 嫌妙報

長 吊 年少 華蓋 主人 床杲朶

生得醜 魯歪失 聰明 力哥 貴 他介水

賤 那塑羊彘 富 烏多哥 貧 腮東旦

乞丐 寬需計 好淫 梭羅 年紀 一故都

麻子 莫入骨水 村 孫 拐 科水非計

賊 陸宿人

人事類

要 坡水水

不要 依也

立 達子

等待 埋祖

眠 羊達路烏將

拿來 未低吉反俚

拿去 未底於古

相擾 括計括盆

亂說 思量骨多莫

看 覓見迷路

不送 何理解邵

嬉 挨核蒲

坐 移路阿將梭

病 羊埋依子

揖

罵 寬彼計乃俚

𦍋 因彼計

詈 烏論羊埋水烏

睡 密路

去 漫陀羅懶俚

在 何故伊虜何

不在 論速持疎

來 何耶俚吉人

便來 羊伴地何爺

回來 慢慢的耶俚

便去 密路

快來 發下何耶俚

送與我 面皮

愛惜 搖落扛滿

怕 倭踈路路

出去 一一計

前行 殺鷄倭

行 換龍門

喜 一啜水吡羅打

說話 未納忽打

怠慢 難利骨多罵

飲 那慕

獨樂 哥賣

羞愧 番助山水水

喫 何賣利

安排 蘇路

不來 未且盧賈矢

走 法古

快去 法古計

打人 生亞達達个

借 脰路各夾

買賣 烏禮加

不喫了 蔡哥

唱 嘔天

莫怪 哥面乃禮

多喫酒 何賢鼻且

教 何水尤路

喫酒 麻黑殺鷄

那里去 陀姑移姑

添 所有路路

行路 的益磨滅

曉得 个个俚打夫

賣 烏路無六

叫人 多奴

老實說話 買多溢

痛 一輒水

起身 倭達的援

多多喫了 前行哥

遊 西孫步

還了 諧也數

不曉得 措賴路不

殺 其奴瞎咄郎

請人 家那推多

慢慢的 買得買得

害天

不賣烏魯賣加

恁麼賣難烏禮在

肚饑勳大路水

哭乃古

多少一故賴介

打胡子

有情亞姊吉乃

無情亞姊吉乃

醉邀帶

換皆賀

無工夫一孫攤水

惟發賴且多堅固

死身大

腫刺大

喚加右

笑歪羅

活吉打

買加

輸埋計打利

傷寒鷄骨

寫字加計

身體類

耳眉眉

口骨土

鼻發柰

眉賣

手鉄

足挨身

心个个路

頭客成賴

鬚薰計

髮措騰夾迷

肚發賴

指尤皮

爪率腿

齒法

器用類

小刀曆過乃空客

中刀歪計柴需

大刀濶中撻打柰

刀柄脫介俚

甲大買路

弓油米

盒子剛白哥

紙措袂加迷

硯孫助俚尊力子

砂石措路依水

筆粉地

墨踈煤

薄紙沃蠻子

扇黃旗

鎖哥利素

厚紙沃速水

缸浮泥

針快利法利

鑰匙坑其

鑊難皮

磨刀石依水

泥銅扇法古黃旗

簾花鷄

泥金扇空措泥黃

等子發介俚

小箱法哥

硯箱孫助利法哥

酒盞

曬加藤計

鋸

拿剛繫利

碟

曬賴沙賴

銀硃

失祿挨措水

鏡

坑皆彌

枕

麻骨賴埋骨賴

麝香

射哥

漆

鳥論水

蓆

不奴

木香

木哥

傘

隔落隔曬

盤

何水鷄

沉香

沉哥

筋

法水

碗

倭吉貼灣

酒甌

哭笋昆皮

梯

課水飛計

香

宣哥

衣服類

衣服

乞麻俚

靴

骨都

鞋

水托里失其里

箬帽

搖婆俚

錦

歪帶

氈衫

迷奴

手巾

達昂个

綿布

木綿

夏布

奴奴綿

被伏

思麻

飲食類

茶

解素

酒

曬箕

白酒

明東曬箕

燒酒

隔辣曬箕

老酒

福祿晒

飯

密黍

飲酒

晒加乃

鹽

失河收河

喫飯

密黍阿羅

醬

彌沙

米

科眉科眉

油

挨蒲賴

大麥

烏蒙崎

小麥

柯蒙崎

穀

暮米倭米

羹

水路

荳

磨米

肉

怨怨

笋乾

大吉糯古

醬瓜

可羅米糯

花木類

杉

松計

檜

去那鷄

松

埋止

梅子

面婆水

芥

惹辣水

菜

柰

瓜

鳥埋

麻

莫入骨水

茄子

乃沈皮

鳥獸類

牛 胡水

狗 意奴

猪 豕豕

雞 多 抓泥 撥地泥 環

鵝 解加

馬 鳥馬

魚 遊河

蟹 措泥

虱 尖辣水

羊 羊其

鼠 眠助米

數目類

一 丢多子 丢微咀

一箇 个利

二 扶達子 丢咀多

三 密子 倭咀多

四 學子 搖搖做

五 意子 子難難多

六 後子

七 乃乃子

八 效子

九 个个乃子

十多

十一 多多丢達子

五十 大

百 法古

千 借一貫

萬 慢亦

通用類

有 挨路 迷路

無 乃

好 高高的 姚鎖虛

極好 明哥多

不好 由無乃

大 加小 思姑 柰何

小 發篩

少 素古乃水

多 快都河河水

遠 多俟

近 的个

瘦 牙十大

短 迷加

細 相快大

持 骨篩路

厚 挨卒水

薄 溫卒水

歪貨 不高歪賴水

破 羊鉸里里

不是 松田乃係

要緊 馬多合子

緩 慢大慢大

無用 談計

多有 何何水

未 慢大

香 于牌水

臭 骨篩水

倭船

日本造船與中國異必用大木取方相思合縫不使鐵釘惟聯鐵引不使麻筋桐油惟以草塞罅漏而已

費功甚多費材甚大非大力量未易造也凡寇中國者皆其島貧人向來所傳倭國造舡千百隻皆虛誑耳其大者容三百人中者一二百人小者四五十人或七八十人其形卑隘遇巨艦難於仰攻苦於犁沉故廣福舡皆其所畏而廣舡旁陡如垣尤其所畏者也其底平不能破浪其布帆懸於桅之正中不似中國之偏桅機常活不似中國之定惟使順風若遇無風逆風皆倒桅盪櫓不能轉舵故倭舡過洋非月餘不可今若易然者乃福建沿海奸民買舟於外海貼造重底渡之而來其舡底尖能破浪不畏橫風颶風行使便易數日卽至也凡倭舡之來每人帶水四百斤約八百碗每日用水六碗極其愛惜常防匱乏也水味不同海水鹹不可食食

卽令人泄故彼國開洋必與五島取水將近中國過下入山陳錢之類必停舶換水所以欲換者冬寒稍可耐久若五六月蓄之桶中二三日卽壞雖甚清冽不能過數日也海洋浩渺風濤叵測程不可計遇山而汲亦其勢耳盥頤沐浴海水山水皆可用或云浴海水令人膚裂近訪之不然但黑肌膚而已倭奴有一秘法煮泉一二沸置之缸缶能令宿而不壞然亦不過半月久則不能也甚至普陀必登者非換水亦非真欲焚香乃覩兵防虛實耳

倭好

昔賈誼上三表五餌之策知倭國之所好則餌在是而悟所以制之之術矣故志之

絲

所以爲織絹紵之用也蓋彼國自有成式花樣朝會宴享必自織而後用之中國絹紵但克裏衣而已若番舶不通則無絲可織每百斤直銀五六十兩取去者其價十倍

絲綿髡首裸程不能耐寒冬月非此不煖

布用為常服無

綿紬染彼國花樣作

錦繡優人劇戲用

紅線編之以綴蓋甲以束腰腹以為刀帶書帶

水銀鍍銅器之用其價十倍中國常

針女工之用若不通番船而止

鐵鍊懸茶壺之用倭俗客至飲酒之後啜茶啜已

鐵鍋彼國雖自有而不大大者至

磁器擇花樣而用之香爐以小竹節為尚碗碟以菊花

古文錢倭不自鑄但用中國古錢而已每一千文價銀

用永樂開元二種

古名畫最喜小者蓋其書房精潔懸此

古名字書房粘壁之用

古書五經則重書禮而忽易詩春秋四書則重論語學

庸而惡孟子重佛經無道經若古醫書每見必買

藥材諸味俱有惟無川芎常價一百斤價銀六十七兩

此其至難至貴者也其次則甘草每百斤二十金

氈毯

馬背氈王家用青

粉女人搽

小食蘿用竹絲所造而漆飾者然惟古之取若

漆器文几古盒硯箱三者其最尚也

醋

曾按日本所貢倭扇描金盒子類皆異物也其所悅於中國者皆用物也是彼有資於我而我無資於彼忠順則禮之悖逆則拒之不易之道也若徇其求而愆期許貢無端互市斷斷乎不可

寇術

倭奴之勝我兵專以術也卽以其術還治其人不
必用古兵法蔑不勝矣故志之

倭夷慣爲蝴蝶陣臨陣以揮扇爲號一人揮扇衆皆舞刀而起向空揮霍我兵蒼皇仰首則從下砍來

又爲長蛇陣前耀百脚旗以次魚貫而行最強爲鋒最
強爲殿中皆勇怯相參

賊每日鷄鳴起蟠地會食食畢夷酋據高坐衆皆聽令挾冊展視今日劫某處某爲長某爲隊隊不過三十人

每隊相去一二里吹海螺爲號相聞卽合救援亦有二
三人一隊者舞刀橫行人望之股慄遠避延頸授首薄
暮卽返各獻其所劫財物毋敢匿夷酋較其多寡而羸
縮之每擄婦女夜必酒色酣睡劫掠將終縱之以焚煙
焰燭天人方畏其酷裂而賊則抽去矣愚詒我民勿使
邀擊自爲全脫專用此術

賊至民間遇酒饌先令我民嘗之然後飲食恐設毒也
行衢陌間不入委巷恐設伏也又不敢沿城而行恐城
上拋磚石也

其行必單列而長緩步而整故占數十里莫能近馳數
十日不爲勞

布陣必四分五裂故能圍

對營必先遣一二人跳躍而蹲伏故能空竭吾之矢石
火砲

衝陣必伺人先動動而後突入故乘勝長驅戰酣必四
面伏起突透陣後故令我軍驚潰

每用怪術若結羊驅婦之類當先以駭觀故吾目眩而
彼械乘慣雙刀上誑而下反掠故難格

鈚鎗不露竿突忽而擲故不測

弓長矢巨近人則發之故射命中

斂跡者其進取也張揚者其逃遁也故常橫破舟以示
遁而突出金山之圍造竹梯以示攻而旋有勝山之去
將野逸則逼城

欲陸走則取艍

或爲穿以詐坑

或結稻稈以絆奔

或種竹簽以刺逸

常以玉帛金銀婦女爲餌故能誘引吾軍之進陷而樂
罷吾軍之邀追

俘虜必開塘而結舌莫辨其非倭故歸路絕

恩施附巢之居民故虛實洞知

賞豐降擄之工匠故器械易具

細作用吾人故盤詰難

向導用吾人故進退熟

預藉富室姓名而次第取之故多獲

宿食必破壁而處乘高而瞭故襲取無機

間常一被重圍矣餌以偽馘而逸之或披篋頂笠沮溺於田畝或雲巾紵履蕩遊於都市故使我軍士或愚而投賊或疑而殺良

江海之戰本非其所長亦能聯虛舟張弱簾以空發吾之先鋒捐婦女遺金帛以弭退吾之後逐

凡舟之裙牆左右悉裹布帛被褥而濕之以拒焚擊交關間或附蓬而飛越即雷震而風靡矣

寇擄我民引路取水早暮出入按籍呼名每處為簿一扇登寫姓名分班點閱直倭甚少不過數十人為前鋒寇還島皆云做客回矣凡被我兵擒殺者隱而不宣其鄰不知猶然稱賀

倭刀

刀有高下枝有工拙倭之富者不悛重價而制之廣延高師而學之其貧者所操不過下等刀耳善運刀

者在前衝鋒可畏頗有限也中國人不知望之輒震而避焉擒獲夷刀亦莫辨高下混給兵士故志之

大小長短不同立名亦異每人有一長刀謂之佩刀其刀上又插一小刀以便雜用又一刺刀長尺者謂之解手刀長尺餘者謂之急拔亦刺刀之類此三者乃隨身必用者也

其大而長柄者乃擺導所用可以殺人謂之先導其以皮條綴刀鞘佩之於肩或執之於手乃隨後所用謂之大制

又有小裁紙設機刀出長門號兼常者最嘉

又有作贄禮賀禮不拘大小名雖為刀其實無用

上等

上庫刀

山城國盛時盡取日本各島名匠封鎖庫中不限歲月竭其工巧謂之上庫刀其間號寧久者

更加世代相傳以此為上

次等

備前刀

以有血漕為巧刀上或鑿龍或鑿劍或鑿入幡大薩薩春日大明神天照皇大神宮皆其形著在外為美觀者

如匠人製造之精不論刀大小必於柄上一面鑄名一面刻記字號以為古今賢否之辨鎗劍亦然



日本

東

卷三十七

黃大刊

東北至毛人國界

東南至女國界

氏國界



北至月




南至大

琉球界

日本島夷八寇之圖

一卷三十九

安國界



西至北朝鮮國界


山東


住揚

西

浙江

西南至福建界





沿海從南而北自廣至京行
 紫八千五百餘程徑直七十二
 百餘里自安南至朝鮮萬
 三千餘里界內每方二百里

寧海圖編卷之三

崑山鄭若曾輯男
 應龍校

廣東沿海總圖

廉州府圖

雷州府圖

高州府圖

廣州府圖

惠州府圖

潮州府圖

廣東兵防官考

廣東倭變紀

廣東事宜

北至廣西南寧



南至本府

廉州府境圖

三卷二

東至高州府石城縣界

汝南

三卷一


西至梧州府蒼梧縣界



府信豐縣界

大洋洋界

北至高州



雷州府境圖

東至大海崖界

西至分茅嶺界

南至

府橫州界



南至

東至高州

西至分茅嶺界

北至廣西梧州



高州府境圖

東至肇慶府陽江縣界

三卷四

石城縣界



西至大海洋界

界洋海

北至福



潮州府境圖

東至海岸界三卷七

西至海岸

南至


州府界



海岸

三卷六

界府州江



籌海圖編卷之三

廣東兵防官考

提督兩廣軍務兼巡撫都御史

駐劄梧州

舊嘗設總督兩廣都御史
事平卽歸非常設故不載

鎮守兩廣總兵官

駐劄梧州

巡按廣東監察御史

巡視海道副使

額設專爲備倭
并防捕海盜

整飭瓊州兵備副使

整飭清遠兵備副使

整飭清遠僉事

整飭高肇兵備僉事

崑山鄭若曾輯

應龍校
一鷺

整飭惠潮兵備僉事

整飭雷廉兵備僉事

市舶提舉司提舉 駐劄廣州

分守瓊崖叅將

分守高肇韶廣叅將

分守惠潮叅將

總督廣東備倭以都指揮體統行事

守備惠潮以都指揮體統行事

沿海衛所

廣州衛 旗軍九百五十二名

鎮州所 旗軍二百一十七名

靈山所 旗軍二百五十四名

永安所 旗軍二百九十名

雷州衛 旗軍一千三百八十名

樂民所 旗軍三百四十五名

海康所 旗軍三百二十三名

海安所 旗軍一百八十一名

錦囊所 旗軍二百三十五名

石城後所 旗軍二百三十四名

神電衛 旗軍一千五十八名

寧州所 旗軍四百五十七名

雙魚所 旗軍一百七十七名

陽春所 旗軍二百一十名

廣海衛 旗軍一千一百六十五名

海郎所 旗軍

新會所 旗軍六百六十四名

香山所 旗軍四百二十八名

肇慶衛 旗軍

陽江所 旗軍

新興所 旗軍二百五十二名

南海衛 旗軍一千一百十四名

東莞所 旗軍三百二十八名

大鵬所 旗軍二百二十三名

碣石衛 旗軍一千二百八十四名

平海所 旗軍四百四十七名

海豐所 旗軍四百二名

捷勝所 旗軍五百八十二名

甲子門所 旗軍二百八十七名

潮州衛 旗軍一千三百二十八名

靖海所 旗軍二百八十二名

海門所 旗軍二百二十五名

蓬州所 旗軍三百八十八名

大城所 旗軍三百八十三名

海南衛

清閑所 旗軍五百八十七名

萬州所 旗軍四百六十九名

南山所 旗軍二百十五名

沿海巡檢司 弓兵數附

廉州府

管界 弓兵二十名

西鄉 弓兵二十名

沿海 弓兵二十名

高仰 弓兵二十名

永平 弓兵二十名

雷州府

東場 弓兵三十名

潤州 弓兵三十名

湛州 弓兵三十名

高州府

凌綠 弓兵三十名

赤水 弓兵二十五名

肇慶府

立將 弓兵五十名

恩平 弓兵五十名

廣州府

城崗 弓兵五十名

沙岡 弓兵五十名

望高 弓兵五十名

大瓦 弓兵五十名

三水 弓兵五十名

江村 弓兵五十名

馬岡 弓兵五十名

長墩 弓兵二十名

如昔 弓兵二十名

林墟 弓兵二十名

珠場 弓兵二十名

清道 弓兵三十五名

海寧 弓兵三十名

黑石 弓兵三十名

寧村 弓兵三十名

海陵 弓兵六十名

牛肚 弓兵五十名

藥逕 弓兵五十名

沙村 弓兵五十名

潮道 弓兵五十名

江浦 弓兵五十名

都寧 弓兵五十名

馬寧 弓兵五十名

籌海圖編卷之三

誠

紫泥 弓兵五十名

神安 弓兵五十名

黃鼎 弓兵五十名

香山 弓兵五十名

艾塘 弓兵五十名

五斗口 弓兵五十名

沙灣 弓兵五十名

鹿步 弓兵五十名

白沙 弓兵五十名

小黃浦 弓兵五十名

福水 弓兵五十名

缺口 弓兵五十名

官富 弓兵五十名

京山 弓兵五十名

惠州府

內外管 弓兵五十名

碧甲 弓兵五十名

長沙 弓兵五十名

甲子門 弓兵五十名

潮州府

神泉 弓兵五十名

吉安 弓兵五十名

門關 弓兵五十名

桑田 弓兵五十名

招寧 弓兵五十名

鮑浦 弓兵五十名

楓洋 弓兵五十名

關望 弓兵五十名

黃崗 弓兵五十名

瓊州府

清瀾 弓兵三十名

舖前 弓兵六十名

澄邁 弓兵三十名

青藍 弓兵六十名

調囂 弓兵六十名

藤橋 弓兵六十名

牛嶺 弓兵六十名

抱歲 弓兵六十名

巡德 弓兵六十名

鎮南 弓兵六十名

安海 弓兵六十名

田牌 弓兵六十名

沿海烽墩

雷州府

那宋 對樓 寧海 調陳 北品 北鵝 入燈 踏磊 陳家 草綠 北月 清安 包西 討網 調黎 通明 南浦 麻障

高州府

調高 山南 尖峒 連頭 輔弼北 輔弼南 門浮

廣州府

南海 赤水 南洋 道田 白蒙 奇黎 企觀 黃岐 稍潭 節尾 那浮 蛤浦 那貢 豐頭 寨南 雙礮 北寨 水南 四會 煙峒 長洲 譚村 北津 安民 峯前 鎮口 陳村 大人嶺 亭子角 石門 青藍 負攬 英村 冷水 豐福 白石角 放火南 白石角 馬鞍 白沙 青藍 負攬

惠州府

白岐 岡村 福漏 藍田 黃浦 南山 赤岡 秋風角 風門凹 青紫 鰲灣 嘴角 英村 冷水 豐福

潮州府

舊大鵬 野牛灣 芳茅 河田 平安 吉頭 競山 水頭 凹背 白沙湖 古逕 新逕 桑州 鉛錫 沙灣 長沙 東坑 石山 麗江 前標 安充 後標 沙江 虎白 大麻 新設 麗山 州

沿海衛所戰船

文昌 前岡 石牌 新村 白峰 鉤簾 沙尾 浮山 馮山 黃崗 南山 下嶺 錢塘 鴉髻 石城 大塲 環山 并洲

舊制每歲春末夏初風汛之期通行府衛所縣捕
巡備倭等官軍出海防禦倭寇番舶動支布政司
軍餉銀雇募南頭等處驍勇兵夫與駕船後生每
船分撥五十名每艘船四艘一官統之三路兵船
編立船甲長副字號使船水手教以接潮迎風之
法長短弓兵弩時常演習使之出入往來如神如
無字號者長副鳴鑼追
逐俱待秋盡無事而掣

中路東莞縣南頭屯門等澳 大戰船八
烏船十二

廣海衛望峒澳 戰船四
烏船十五

東路潮州府檳澳 戰船二
哨船二 烏船十五

碣石靖海甲子門等澳 戰船十
哨船六

西路高州府石城吳川灣澳 各哨船二

廉州府海面 戰船二

瓊雷二府海港 東莞烏船各六
新會橫江船四

雷州海港 大戰船六

廣東倭變紀

洪武二年倭寇惠潮諸州

時天下初定海內又安倭夷竊發濱海一帶皆被騷
擾乃命行人楊載使日本以 璽書諭其國王○書
詳見使倭
事畧中

四年倭寇海晏下川指揮楊景討平之

時海寇鍾福全李夫人等自稱總兵挾倭船二百艘
寇海晏下川等地廣州左衛指揮僉事楊景追捕至
陽江
平之

永樂七年冬十月倭陷廉州教授王翰死之

詳見遇難
徇節考

九年三月倭陷昌化所千戶王偉死之

時副總兵李珪等擁兵不救城遂陷王偉力戰而
死軍士死者甚衆城中人口糧食軍器皆被劫掠

十九年正月辛巳李珪敗倭於潮州靖海海濱

珪先以昌化之陷戴罪殺賊大敗賊于靖海生擒十五人斬首五級悉送京師

嘉靖三十三年海寇何亞八等引倭入寇提督侍郎鮑公

象賢總兵定西侯蔣公傳討平之

先是亞八與鄭宗興等潛從佛大坭國引番船于沿海劫殺逸往福建收叛亡數千人與陳老沈老王明王直徐銓方武等流劫浙福復回廣東鮑公遣副使汪栢指揮王沛黑孟陽督兵捕之及於廣海三州環生擒亞八等賊一百一十九名斬首二十六級餘黨脫逃徐銓方武等又自福建流突潮州為黑孟陽所破徐銓授首分巡兵備等官兵於潮州柘林等海洋擒斬一千二百有奇亞八宗興武與陳時傑等俱斬于市海島遂平

三十七年正月壬午倭犯揭陽入蓬州所官兵擊敗之

先是壬子歲倭寇初犯漳泉僅二百人其間真倭甚寡皆閩浙通番之徒髡鬚以從至是船十三艘賊八百人自漳泉犯揭陽縣適蓬州千戶所城崩賊遂擁入殺百戶李日芳等提督都御史王公鈞遣副使林懋舉僉事經彥榮參將鍾坤秀知府李春芳等官兵擊敗之斬首一百七十名顯是戰也鄉夫之功居多

馬

十月甲子倭賊自漳州如饒平攻黃崗民鎮據其城官兵敗之

經彥榮等大敗賊衆俘斬一百四十六名

三十八年二月寇圍揭陽官兵大破之

時軍門駐潮州肇慶同知呂天恩與僉事經彥榮率鄉兵合擊之斬獲甚多寇復趨揭陽圍城彥榮帥師救之鄉夫斬金甲賊酋一人賊大敗走俘賊無算會彥宋報罷僉事殷從儉代之乘勝逐北賊望風而靡黃崗鎮賊亦遁去

十一月庚午賊攻海門所官兵敗之走犯潮陽復破之

先是賊在福建之平和與饒平黃崗鎮隔界而壘至是賊首許老等三百餘賊引倭十餘自海門登陸攻海門所官兵擊之賊死甚多壬申南丹土目莫善等追賊與指揮孫敏擊敗之賊遁還平和丙子許老等犯潮陽縣丞范南卿等兵擊走之賊由分水關犯黃崗鎮城通判翁夢鯉指揮李榮知縣熊吳林叢槐率

兵捕之已卯賊至南洋灣指揮馮良佐統日兵莫真莫善分為二哨千戶黃昇等統募兵打手為一哨南洋三灣諸鄉兵又協助之大破其眾賊奔聚關望港口甲午賊出揭陽蓬州都水沙村焚掠皆為我兵所敗十二月巳亥賊寇隴外莆都辛丑賊自平和營於赤寮村揭湯棉湖寨丁未新賊自福建雲霄突入黃崗戊申關望賊出掠彩塘甲寅新賊與關望賊合踪出掠甲子棉湖賊突往蘆清官兵連戰皆破之俘斬凡一百八十有奇

三十九年正月官兵會擊關望之賊大破之

時賊為官兵追急移屯潮陽貴山都屯指揮武尚文及鄉兵連戰皆捷賊改營古埕乙酉賊遁往南洋灣典膳秦金與官兵合擊大敗之斬首三百七十賊潰渡河官兵邀之復大捷戊子賊滌江而來誓復南洋灣之仇尚文等官兵又大敗之甲午古埕營賊出掠官兵又敗之二月戊戌賊復回平和沙嶺已酉賊至大滘橋目兵又勝之戊午賊復來據守備兵擊之賊大潰俘敵八百有奇四月僉事齊遇與海道參將會師追之擒斬三百六十殘賊悉遁

廣東事宜

東路

廣東列郡者十分為三路東路為惠潮二郡與福建連壤漳舶通番之所必經議者謂潮為嶺東之巨鎮柘林南灣俱係要區枕吭撫背之防不可一日緩而靖海海門蓬洲大城諸所又皆跬步海濤所賴以近保三陽遠衛東嶺者也惠州海豐東南濱海其捷勝平海甲子門皆瞬息生變惠潮守備劄於衛治誠有以嚴其防矣然未知柘林為尤要也柘林乃南粵海道門戶據三路之上游番舶自福趨廣悉由此入舊例風汛之期各灣皆設戰艦秋盡而掣回泊水寨此在他灣猶可柘林去水寨一日之遠警報未易達倘

警備海國紀卷之二
賊視我無備批抗搗虛不亦危乎無柘林是無水寨也無水寨是無惠潮也爲今之計東路官軍每秋掣班必以柘林爲堡慎固要津附近大城所戍卒互爲聲援不得規避空所縱賊馳驟若遇颶霧塵霾尤宜加之意焉其外碣石靖海甲子門海澳雖視柘林稍次而舟師防禦各有信地之責者又可少懈乎

中路

嶺南濱海諸郡左爲惠潮右爲高雷廉而廣州中處故於此置省其責亦重矣環郡大洋風濤千里皆盜賊淵藪帆檣上下烏合突來樓船屯哨可容緩平嘗考之三四月東南風汛日本諸島入寇多自閩趨廣柘林爲東路第一關鎖使先會兵守此則可以遏其

衝而不得泊矣其勢必越於中路之屯門鷄栖佛堂門冷水角老萬山虎頭門等灣而南頭爲尤甚或泊以寄潮或據爲巢穴乃其所必由者附海有東莞大鵬戍守之兵使添置往來預爲巡哨遇警輒敵則必不敢以泊此矣其勢必歷峽門望門大小橫琴山零丁洋仙女灣九竈山九星洋等處而西而浪白灣爲尤甚乃番舶等候接濟之所也附海有香山所戍守之兵使添置往來預爲巡哨遇警輒敵則亦不敢以泊此矣其勢必歷崖門寨門海萬斛山網洲等處而西而望峒灣爲尤甚乃番舶停留避風之門戶也附海有廣海衛新寧海朗所戍守之兵使添置往來預爲巡哨遇警輒敵則又不敢以泊此矣夫其來不得

停泊去不得接濟則雖濱海居民且安枕而卧矣况會城乎按今設禦之法浪白望峒二所各置戰艦慎固封守而南頭宜特設海道駐劄居中調度似有以扼嶺南之咽喉矣應援聯哨其中路今日之急務乎西路

議者曰廣東三路雖並稱險阨今日倭奴衝突莫甚於東路亦莫便於東路而中路次之西路高雷廉又次之西路防守之責可緩也是對日本倭島則然耳三郡逼近占城暹羅滿刺諸峇島嶼森列游心注盼防守少懈則變勝腋滋蔓難圖矣可弗講乎故高州東連肇廣南憑滇渤神電所轄一帶海灣若連頭港汾州山兩家灘廣州灣為本府之南翰兵符重寄不當托之匪人以貽保障之羞也雷州突出海中三面受敵其遂溪湛江泷州樂民等四十餘隘固為合衛三道門戶而海安海康黑石清道并徐聞錦囊諸隘所以合防海灣以操縱反側俾不敢梗化焉者尤可齷齪玩愒已哉若廉州則尤為全廣重輕海北扼塞兩有攸寄故兵符特劄於靈山達堡增屯於衛北海寇峒獠外夷之憂視三嶺獨勞焉西南雄郡如瓊為廉之外戶五指腹心盡為黎據郡邑封疆無不濱海備倭之制若白沙石瓊館頭文昌海安海康對峙番島飄風突來防禦甚艱近雖駐叅將於崖州責有攸寄而守禦營戍舊額歲久寢弛凡此皆西路今日所當汲汲經畫焉者深念預防俾幕南稽顙重譯來庭

非長民若兵者之責乎

一廣東兵餉舊制于潮州府民壯數內抽追工食選募打手駕船後生分守三路後因山賊竊發念城池爲重寄留民壯守護而前項兵食每年於鹽利內處補後議以兵貴精而不貴多食宜預而不宜匱於東路兵夫止選三百名防守遇有警報則增雇三百以足六百原數其中西路一千五百名內量減七百名止募八百名通計見該一千一百名約計東路三百名西路二百名中路六百名各路將三之一哨巡三之一營守

每兵夫五十名 糧船一隻 兵夫一名 每月工食六錢 口糧三斗 船一隻 脚價一兩五錢 或一兩

二錢 兵船每四隻則以一官統之日逐守巡或閱月半月更番相代又於朔望量加魚鹽之犒求爲定額

所費俱於軍餉內取辦遇有警報又許徑自動支添募應選不必直俟文移動經旬月以致噬臍無及凡所應辦逐一登記每月造報迨掣兵之時截日任支於以釐革浸漁冗濫之弊此嶺南海防之大畧也

一廣東濱海諸邑當禁船隻若增城東莞則茶窖十字一濠番禺則三漕波羅海南海則仰船岡茅濠順德則黃涌頭香山新會則白水分水紅等處皆盜賊淵藪也每駕峻頭小艇藏集兇徒肆行劫掠勾引倭奴殘戮甚慘爲今之計莫若通行各縣令沿海居民各於其鄉編立船甲長副不拘人數惟視船之多寡依十家牌法循序應當如船二十隻總統於船甲長內以十隻分統於甲副仍於船尾外大書某縣船某甲下

某人十字翻刻墨填爲記其甲長副各置簿一扇備載鄉中船數并某樣船隻某項生理一一直書每歲具呈於縣以憑查考如遇劫掠則被害者能識其船速投首於甲長副鳴鑼追究俾遠近皆知無字號者卽係爲非許人人俱得拏送舊時沿海居民明知賊盜懼其反攻而不救今後坐視者罪以通同則船有統紀而行劫之徒忌畏况操舟之時可以按簿呼召給價差用而不致賣放之弊乎議者謂欲令每縣取無碍官銀千餘兩造船百艘分給軍民生理令河泊等官歲課入息五年當抵造船之銀如朽爛更以歲課銀更造此法固善終不若無事處事如前法之爲善也

一南灣當閩廣交界之處周圍皆山中有田百頃乃國初起遣代遺棄之地也四面蔽風大潭居中可以聚舟其大視金塘二倍五六年來因浙直攻捕之嚴倭泊無所容俱于此互市福建捕急則奔廣東廣東捕急則奔福建定期於四月終至五月終去不論貨之盡與不盡也其交易乃搭棚於地鋪板而陳所置之貨甚爲清雅刀鎗之類悉在舟中若能密令人於海濱沉滅其舟則在岸上之倭生擒也何有



